

Peserta Bengkel Keusahawanan terima sijil



AHLI Majlis Mesyuarat Negara, Yang Berhormat Dayang Nik Hafimi binti Abdul Haadi juga selaku salah seorang hakim bengkel berkenaan hadir menyempurnakan penyampian hadiah kepada pemenang (kiri). Manakala gambar kanan, salah seorang peserta semasa memberi penerangan pada Bengkel Keusahawanan anjuran Startup Weekend Brunei.



Oleh : Dk. Siti Redzaimi Pg. Haji Ahmad
Foto : Muhammad Asri Haji Awang Abas

BANDAR SERI BEGAWAN, Ahad, 8 April. - Bengkel Keusahawanan anjuran Startup Weekend Brunei yang diadakan selama tiga hari bertempat di Kolej Perniagaan Laksamana (LCB) diakhiri dengan Majlis Penutup dan Penyampaian Anugerah kepada kumpulan pemenang.

Lebih 50 peserta yang terdiri daripada golongan pengusaha belia tempatan menyertai bengkel tersebut.

Semasa bengkel tiga hari itu dijalankan, para peserta mengadakan mesyuarat untuk menyampaikan idea-idea mereka kepada mentor-mentor tempatan dan luar negara dari pelbagai industri yang akan mengongkakan kemahiran mereka dengan para

peserta.

Pada majlis itu, penyampaian anugerah kepada kumpulan pemenang disampaikan oleh Ahli Majlis Mesyuarat Negara, Yang Berhormat Dayang Nik Hafimi binti Abdul Haadi juga selaku salah seorang hakim bengkel berkenaan.

Startup Weekend Brunei Kedua itu disertai oleh para belia dari institusi pendidikan tinggi yang berusia di antara 16 hingga 26 tahun dan merupakan bengkel usahawanan selama 54 jam dengan jangkauan global melebihi daripada 2,000 acara dan meliputi lebih dari 135 buah negara.

Bengkel dibahagikan pada lapan buah kumpulan, bertujuan untuk mewujudkan persekitaran, di mana

para peserta akan berkumpul dan mendapatkan semua pengalaman mulai dari rangkaian, kolaborasi, di samping pendedahan potensi-potensi untuk menghasilkan sesuatu yang hanya sekadar idea hinggalah ke pelaksanaan.

Ia juga mendapat sokongan dari Progresif Cellular Sendirian Berhad (PCSB) selaku Rakan Strategik; Darussalam Enterprise (DARE) selaku Rakan Ekosistem; LCB dan Bank Islam Brunei Darussalam (BIBD) selaku Pnaja Platinum dan Startup Brunei selaku Penyokong Pemacu. Sementara itu, Rakan-rakan Komuniti bagi edisi kali ini ialah The Neu Company dan InTurn.

Diusahakan oleh Google untuk Usahawan dan Techstars, Startup Weekend adalah pergerakan akar umbi global para usahawan yang bersemangat dalam misi untuk memberi inspirasi, mendidik, dan

memperkasakan masyarakat untuk melancarkan idea-idea yang dapat merubah kehidupan mereka.

Ia juga merupakan komuniti usahawan terbesar di dunia, menganjurkan lebih 2,000 acara di

200 lebih negara, sejak tahun 2007.

Startup Weekend Brunei kali ini dikendalikan oleh Ashley Uy dari Startup Weekend Cebu, Republik Filipina.

Tingkatkan ilmu dalam perniagaan



DAYANG Nur Zulhijatul Aqilah binti Haji Sulaiman (kanan) dan Dayang Fikrohmah binti Ahmad Dimiyati, siswazah Tahun 1 FEKIm UNISSA (kiri).



DAYANG Suziyaney binti Md. Zain, siswazah Tahun 3 Fakulti Ekonomi Kewangan Islam (FEKIm) Universiti Islam Sultan Sharif Ali (UNISSA).

Berita dan Foto : Aimi Sani

3 kesalahan kes kompaun dikeluarkan semasa operasi dijalankan



OPERASI Sekatan Jalan Raya dijalankan di Daerah Temburong yang melibatkan kesalahan lalu lintas termasuk tidak memiliki lesen memandu.

Siaran Akhbar dan Foto : Pasukan Polis Diraja Brunei

TEMBURONG, Sabtu, 7 April. - Sebanyak tiga kes kesalahan kompaun telah dikeluarkan semasa Operasi Sekatan Jalan Raya dijalankan di Daerah Temburong yang melibatkan kesalahan lalu lintas termasuk tidak memiliki lesen memandu.

Operasi yang dijalankan oleh Balai Polis Bangar, Daerah Polis Temburong tersebut diketuai oleh Pegawai Menguasa Balai Polis Bangar, Inspektor Alif Nur Khaliq

bin Haji Mat Rasil bersama 13 anggota-anggota Daerah Polis Bangar.

Operasi yang bermula jam 9.30 malam tersebut tertumpu sepenuhnya di kawasan Kompleks Kawalan dan Pemeriksaan Ujung Jalan, Temburong.

Objektif Operasi Sekatan Jalan Raya pada malam tersebut adalah khusus untuk pencegahan jenayah, bagi memantau dan memastikan pemandu-pemandu

yang memasuki sempadan tidak membawa bersama barang-barang tegahan ataupun barang untuk melakukan jenayah atau barang yang dipercayai dicuri, seperti barangan elektronik ataupun kenderaan. Dalam pada itu, ia adalah untuk memastikan undang-undang lalu lintas sentiasa dipatuhi bagi mengurangkan kadar kemalangan lalu lintas.

Operasi ini juga adalah usaha berterusan Daerah Polis Temburong dalam membanteras jenayah lebih-lebih lagi pada hujung minggu, yang mana pada kebiasaannya pemilik rumah meninggalkan rumah untuk pergi ke daerah lain untuk melawat ahli keluarga.

Di samping itu, rondaan pasukan polis juga giat dijalankan, terutama di kawasan rumah-rumah kosong dan kawasan perumahan yang lainnya bagi menanamkan rasa selamat penduduk-penduduk di Daerah Temburong.

Di kesemapan ini juga Pasukan Polis Diraja Brunei ingin menyarankan kepada orang ramai untuk sentiasa menjaga keselamatan harta benda masing-masing, dan sebelum meninggalkan rumah, pastikan pintu rumah dikunci dan jendela-jendela ditutup rapi serta menyalakan lampu di kawasan rumah sebab semua usaha ini boleh menghindari jenayah daripada berlaku.

BANDAR SERI BEGAWAN, Ahad, 8 April. - Hari Keusahawanan Universiti Islam Sultan Sharif Ali (UNISSA) 2018 yang melibatkan mahasiswa-mahasiswa universiti tersebut, mampu menjadi platform kepada golongan belia, khususnya bagi mendalami dan meneroka bidang keusahawanan.

Perkara tersebut dinyatakan oleh Dayang Nur Zulhijatul Aqilah binti Haji Sulaiman dan rakanannya, Dayang Fikrohmah binti Ahmad Dimiyati, siswazah Tahun 1 Fakulti Ekonomi Kewangan Islam (FEKIm) UNISSA ketika ditemui semasa menyertai Hari Keusahawanan UNISSA 2018, bertempat di kawasan letak kereta UNISSA, Jalan Gadong, di sini.

Menurut mereka, ini merupakan kali kedua mereka menyertai program keusahawanan ini dan berharap akan beroleh lebih banyak pengalaman melalui program anjuran FEKIm ini.

Sementara itu, Dayang Suziyaney binti Md. Zain,

siswazah Tahun 3 FEKIm, melahirkan keyakinan bahawa belia pada hari ini mempunyai pelbagai kepakaran, kemahiran, idea baharu seiring dengan teknologi pada masa kini seterusnya membolehkan mereka mengorak langkah lebih jauh.

Dayang Suziyaney turut bersetuju dengan Dekan FEKIm UNISSA, Dr. Awang Abdul Nasir bin Haji Abdul Rani semasa memberikan ucapan alu-aluannya pada Majlis Perasmian Hari Keusahawanan UNISSA 2018 baru-baru ini yang antara lain menyatakan, program ini mampu melahirkan mahasiswa-mahasiswa yang kreatif dan inovatif dalam bidang perniagaan, berpandukan ajaran Islam yang luhur kerana pendedahan seperti ini merupakan satu langkah proaktif FEKIm dalam memberi keyakinan dan keberanian kepada mahasiswa-mahasiswa menceburi diri dalam bidang perniagaan sejurus menamatkan pengajian nanti.